

Escrito por Redaccion @valminorinfo
Mércores, 27 Maio 2015 19:37



Tras unha xornada marcada pola solidariedade veciñal coa deportista Desirée Vila, Ana Gameiro, presidenta de Encaixamos Val Miñor, lamentou que *"moitas veces as persoas con discapacidade vense ante situacións moi complicadas, nas que teñen que recorrer á colaboración cidadá, para suplir ao Estado para poder ter unha vida digna"*.

A activista polos dereitos das persoas con discapacidade, expresou o seu agradecemento en nome de Encaixamos aos veciños que achegáronse á merenda solidaria celebrada o domingo pasado na praza de abastos de Sabarís. Tamén aos [voluntarios que colaboraron na montaxe do evento](#), aos que colaboraron cunha actuación musical, Roberto Caco e o grupo de gaitas e treboada Airiños Novos de Pinzás.

Ase mesmo fixo fincapé na desinteresada colaboración de empresarios e comerciantes locais que obsequiaron artigos cos que se puideron desenvolver sorteos. Deste xeito, Encaixamos puido colocar o seu gran de area na campaña que percorre todo o país para acadar os 70 mil euros para a próteses que necesita Desirée Vila Bargiela.

Esta nova ximnasta de 16 anos sufriu unha caída adestrando o pasado mes de febreiro e tras unhas complicacións médicas tívosele que amputar unha perna. O seguro non cobre dita próteses, polo que se iniciou esta campaña que leva por título "Da el paso ... Únete".

Escrito por Redaccion @valminorinfo
Mércores, 27 Maio 2015 19:37

Neste senso Ana Gameiro presidenta de Encaixamos manifestou que "a madurez, o carácter loitador, e a personalidade encantadora de Desi son encomiables" e expresou que "oxalá consiga pronto o seu soño, dando o seu primeiro novo paso canto antes!"

